

合歲夏余抵奉

上命填撫東土時苦旱魃為災未及受代輒禱于泰山之神為元元乞一旦之命竊私念公羊傳所稱不崇朝而雨天下者泰山之靈也今安得為靈為雨即符所禱哉已

而見白雲曩曩布護山谷蓋自白雲洞中出也因往躡之則在鳳凰山之陽石壁陡絕而下洞高丈許廣亦稱是中有石窠廣二尺深僅尺許而洞之下陡峻深谷又不可測所謂百丈產者是也洞中石窠四時水常溢注其來無形不知所自夏月則其勢愈盛沛然旁達故相傳為龍洞甘露又曰雲根雨脉云余於此益信兩天下之言不誣也圖所為標其勝宜無如斯言者一日以語摺臺謹憚侍御則手筆兩天下

三字勒石洞門余檄有司樹之坊坊稍北構亭一楹亭稍北構軒三楹而軒之宅勝最奇背負石壁如屏左右如翼獨開一面甚闊曠憑極俯視大小龍峪如蒼龍噴水而山麓行人摩有接踵雜遝如蟻近眺利

但徠山當其左傲來山當其右遠眺則云云亭亭在梁父又環列星羅畢數奇偉噫斯天下之大觀也已陟斯洞憩斯軒者寧無霖雨天下之思乎哉矣但選勝擊秀云爾有司竭余記之是舉也前按臺韓西

玄侍御與其議今按臺毛文源侍御會其成其餘有司執事勸之碑陰萬曆丙戌仲冬吉旦

欽差巡撫山東等處地方提督軍務督理營田兼管河道都察院右副都御史廉廷李



岱史第十二卷物產志

叙曰易志乎物產也言物產莫尚乎山而泰山尤廣生大生之區也禹貢曰岱畎絲貝鼈松棗石神農經載泰山諸藥石而山海經曰其上多玉其下多金多水其道書福地曰泰

山多芝草主石是皆物產之闕於古昔也譚者謂古昔山東富饒甲天下利賴於泰山居多有膏然者自今觀之石山鮮茂林剛風罕宿羽寒窟無群獸有巖深澗詎復有良玉仙芝惟是藥草緣崖藥石滿谷如天麻青芝赤

石脂紫石英諸靈品絕異他產則永求為世人扶頭起死以弘濟壽域其為寶弗啻金玉而已夫泰山之興寶藏詎分古今哉古昔用之有節故恒見其富饒晚近世費出不經上既橫斂下復侈靡即罄山海之珍難乎其繼

山東富饒之不逮古其以是夫余於茲有深慨焉

木有秦松在黃現嶺秦始皇登泰山遇風雨避於松下遂封為五大夫五大夫者秦官名第九爵也唐陸贄作禁中卷松詩云不

羨五株封按史記但云封其樹爲五大夫不聞有五株松之說而誓云爾者何抑又李商隱有五松驛詩云獨下長亭念過秦五松不見見與薪又李白送人遊桃源亭詩云登封泰山風雨暴作雖五松受職草

木有知云云唯舒王詠栢詩云老松先得大夫官乃爲以當今只存其二然非秦時故物疑亦後人續植者老幹拳曲擁腫宛如蒼龍欲飛騰范宗吳勒石樹其下曰五大夫松御帳坪稍北路傍古松一株綠

崖依峪盤結偃蓋若雲覆然其音詭弱鬱殆退大夫松遠甚方元煥磨崖書其下曰處士松蓋尚其高隱不羨秦封也 有漢栢在泰山之陽登封門之外山南廟在老栢數株相傳漢武帝封禪時所植有唐槐

在嶽廟內奇古特異雖良工不能繪它若椿梧梓檜楸榭桑柘榕欒榆柳楊棟雖皆有之顧登封之地無蒼林豐穢而取材于工師者或寡焉譚者謂岳多石少土難於滋植風剛日曬易致頽朽是豈山之性哉

抑自古日尋斧斤而今莫爲之栽培耶果有梨栗棗柿梅杏桃李奈石榴銀杏櫻桃林禽核桃蒲萄羊棗文冠果無花果諸品多植于岳趾園林其在岳者多野生曰山榴獨桃野棠

花有牡丹芍藥紫微凌霄夜合辛夷長春麗春梔子王簪萱葵臘梅薔薇鷓冠鶯粟山丹月季蘭蕙棠棣石竹菊百餘種蔓生於樹曰藤花可蔬鹿菊花別名曰黃花菜珎美稱於天下而土人賤之不以供客

藥以泰山著圖經者三十有九種曰青芝赤箭昇天遠志天門冬千歲藥徐長卿太乙餘糧石龍芮石鍾乳石硫黃白石脂赤石脂白石英紫石英玄石磁石滑石靈母石絡石豈龍骨伏翼蛤輪松肪栢實茯苓丹

麥苗陳茵芋女糝狼毒連翹藜蘆澤瀉瞿麥香附子玄胡索惟天麻獨異于它產但鮮而難致有名在圖經而不以泰山言者四十有九種曰蒼木黃精黃連黃芩玄參蝦蟇苦參沙參萬蒲知母益母貫衆山查

山藥地黃地榆地丁南星枸杞木蘭防風荆芥芫花花椒百部百合草烏紫胡牽牛桔梗蔓草芫藹漏蘆鬼箭麥門冬葶靈仙白鮮皮青木香鬼見愁車前子硝石長石青蒙石金星石銀星石金銀花馬兜鈴王

不留行諸品惟沙參獨良石花可已心疾傳金瘡撲患湘之可茶狀如蒙山而氣味亦稍相類此則圖經所未載者 穀有黍稷稻麥菽粟苽藤胡麻巨勝黍黃白黑三種稷黃黑二種稻紅白二種麥有麩

麩三種菽青黃赤綠黑乃扁諸種粟百餘種曰九里香花裏黃其最佳者 貨有絲有木綿絢絹葛可爲絺有麻縲蠶蠟茶蘆產巖谷間山僧間有之而城市則無也山人採青桐芽曰女兒茶泉崖陰趾茁如

波蘘者曰仙人茶皆清香異南茗黃芽皆爲茶亦佳松莖尤妙 菽蔣於畦圃者弗志其野生曰蒼茶藜蘆蘆芹枸杞椿棟檉藥芽俱可瀝香美並異入麻樹芽和糜粥亦佳曰枸骨芽曰莠春土

人甘之

五金出萊蕪黃山亦有黃白二土石焦二炭土可堅可坊炭石可薪而焦良於冶頗為民利故又曰八寶山是為岳東支麓其西麓曰桃花峪山人昔嘗採白金礦山海

經云其下多金是也又云其上多玉今不可見土人云岳巔間嘗一炫光彩意者其玉韞之輝與

鳥多野鴿巢巖穴及岳祠樓題多鳩雀有鸞鵝鷹鴉鵲惟岳祠無鴉異哉有曰巧婦

爾雅釋桃蟲是也曰山僧聲如念佛曰紅娘子色如胭脂曰極紅練拖白練皆以尾色名有雉鷄山鷄野鷄鷓鴣黃鸝鷓鴣翡翠布穀畫眉有翠羽褐衣如畫眉者汶有鴛鴦鷓鴣鷓鴣野鴛

獸有倮鹿獾兔有兩其足者不能走每跳一二丈許曰跳兔有黃鼠蒼狐白狼在深山窮谷而登封之地則無也山海經曰有獸焉其狀如豚而有珠名曰狷狷今未之見豈山林古今之變而氣化有不同與

獸有倮鹿獾兔有兩其足者不能走每跳一二丈許曰跳兔有黃鼠蒼狐白狼在深山窮谷而登封之地則無也山海經曰有獸焉其狀如豚而有珠名曰狷狷今未之見豈山林古今之變而氣化有不同與

魚有斑文四五寸許四五五月生嶽北溪澗中過此則無矣
冰凝嶽頂北十里許陰壑中名曰天牢天日不過之地四時有之不假伐藏

正一天師清微弟子 洪百堅 製作
道教學術資訊網站

岱史第十三卷香稅志
叙曰曷云乎香稅也四方祈禳之士女捧瓣香謁款神明因指施焉而有司籍其稅以助國也夫聖天下香稅惟岱與楚之太和山也而太和山不以岳名則嶽之有香稅惟岱也

方其摩肩涉遠接踵攀危繼至輻湊豈特助國而已與廡賴以食力市肆賴以牟利僧徒賴以衣鉢即行丐亦賴以須臾無死諸所為地方利益甚博其究也廢所費金帛珠玉馬殺等物以奉神則有司日冕權之歲兩會其成數是皆神靈所感召也豈假於號召科責乎哉歛而不密積而能散又非有神輸鬼運而人世自相贏行何造化之妙一至此也山東

皇畿左輔諸凡賦役獨先頻歲凶荒物力且日困脫令不藉是安所取辦天蓋保右國家而陰以此佐六郡百姓之急耶其初惟籍諸藩司以贍地方一切公需代田賦所不給也邇迺轉而入之內帑歲有定額議者謂方今內帑累巨萬而不可校盍貽此備賑六